

1 PÉÉDORO

Tujkénú Péédoro cáátúnuháámi

Duurúvaju

¹ Oo Péédoro Jetsocríjtóo úwááboobéré o péhíjcyáíñé wákimyéivu oke pícyoobe íñe íhyaami ámuha éllevu ó caatúnú dííbyékée ámuha mecáhcújtsóné déjúcotu méiíñújitu ámúhakyé ditye wáchájánúme éllevu, Póótoó, Garáátsiaa, Capadóótsiaa, Áátsiaa, Bitííniaa, éhdúné íñújínéri ámuha meíjcyáme éllevu.

² Muuráhjáa ihdyu tsúúcajátújuco Méécááni Píívyéébe ámúhakyé íñéhdújuco újcune dííbyeéjté ámuha meíjcyaki. Aane muurá Íapííchoj tééveri ámúhakyé píáábohíjcyaaabe Jetsóópe mewá jyuri ítyujpácyó wáágóónej tééveri ámuha meímíjpyeténe díbye ímillédú meíjcyaki. Aabe ihdyu óví ámúhakyé panévatu píaabó íbúwajíí íñerí íjtsámeítyúmé ámuha meíjcyaki.

Ímí méúmiwa nééneé

³ Muuráhjáa mítyane meke íídaatsólléne béhnétu meke tsíímávaabe Jetsocríjtóo ídsíjívéne tsiiñe bóhíínej tééveri. Áánéllíí íñé imíjyaú méúmiwa íjcyane méítsohíjcyáhi. Ahdícyane ihdyu metsu Jetsocríjtój Caani Píívyéébeke medúúrúváne metéhdújtsoki.

4 Muurá ijcyáné níjkyéjiri ítsime meíjcyámé wáabyuta mújyú muhdú íjcyáityúné dibye pícyoone meke téhmene.

5 Ímí dííbyeke mecáhcújtsónéllii íhnháhoori meke píáábohíjcyaaabe nihñéétsihvúré téhullévú meúújetécooca teene meújcuki.

6 Áánéllii múu íllure imíjyúú dííbyeke ámuha mecáhcujtsómé ámuha meícúbáhrámeíyónááca.

7 Muurá téneri meke waajácúlleebe ímiááné dííbyeke mecáhcújtsóhajchíí éhne múúne óoro cúújúwari ditye wáájácullédu. Muurá teene óoro meke píáábóné ehniíñevu Píívyéébeke mecáhcujtsóné meke píaabóné tsá mújyú mééma níjkéváityúne. Áánéllii dííbyeke ámuha mecáhcujtsómé ínetú menéétsámeítyúhajchíí íné imíjyaú ámúhake ávyéjújtsóiibye dúúruvaabéré tsiíne Jetsocríjto tsáácoóca.

8 Muurá Jetsocríjtoke ámuha maájtyúmitúróóbeke méwájyúúbedívú ámuha mecátsípáávéne méimíjyúúhií.

9 Áábeke ámuha mecáhcújtsónéllii tsúúca ámuha mépájtyetéhi.

10 Muuráhjáa éjyúúvú Píívyéébé ihjyú uubáalle múnaa ihjyúvájúcoorá muhdú dibye meke ídaatsólléne pájtyetétsóíñeri. Ároméhjáa tsá pahdu wáájácútu muhdú tene íjcyáíñe.

11 Áánélliihyéhjáa díllócatsíhijcyámé caabyé Críjto íjcyaaabe mújyú muhdú ícúbáhrámeíñe ávyéjuutéíñe Píívyéébé Apííchó diityéké néhijcyáne.

12 Áánélliihyéhjáa Píívyéébe diityéké waajácutsó ditye ijcyáijyúí tene pájtyéityúne, bóónétúí tene pájtyeíñe. Áánée muurá tsúuca ámúhake tsaate úúballé muhdú mepájtyetéíñe Píívyéébé Apííchó níjkyéjitu tsááne píáábónej tééveri. Aane muurá idyé níjkyéji múnaa téhdure imíllerá páñetu iwáájácúiyóné muhdú mepájtyetéíñe.

Ímiááméré meíjcyáiyóne

13 Aane ímiááméré meíjcyáne métsúúraméí tsiíñe Jetsocríjtó tsácooca Píívyéébe ámúhake íddaatsólléne ájcúíñeri.

14 Aame tsúuca Píívyéébej tsiímé ámuha meíjcyame múu díbye ímillédú ijcyáhi. Tsá múu dííbyekée ámuha mewáájácútúcooca ímítyúnéhjiri meúmúúpívyehíjcyádú néjúcootúne.

15 Muurá meke újcuube ímiááméré meíjcyaki. Áánéllii múu ímiáámé ijcyá díbye ijcyadu.

16 Muurá dííbyé waajácúháámitu nééneé: “Ímiáámé meíjcyá ímiáábé o íjcyadu.”

17 Aane dííbyeke ámuha mecáánívahíjcyámé múu íñújiri ámuha meíjcyané hajchótá díbye ímillédú ijcyáhi. Muurá tsahdúré mééma ímbájchóiibye muhdú meícyahíjcyané tééne áhdovu meke íajcuki.

18 Muurá ámuha méwaajácú mepée mepájtyetéityúrojító méíhdé múnááúvú úráávyehíjcyánetu meke díbye pájtyetétsóne. Áronáacáa ihdyu tsá meke díbye pájtyetétsotú dsíídsídívú íáhdóneri.

19 Muuráhjáa ihdyu mééma áhdoobe mítyane iwájyuube Críjtó tujpácýó wágóóóvéneri éhne

múúne obééjáwu imíwu néébeke míamúnáá imítuyháñé hallúvú ditye dsíjívetsódu.

²⁰ Píívyéébéhjáa ihdyu tsúúcajátújuco dííbyeke mémenúné ííñuji ípívyéjtsótúné ihdéjuco díbye mewájyuri idsíjíveki. Ahdújucóhjáa díbye tsááne meke ipíááboki.

²¹ Áánéllii dííbyej tééveri Píívyéébeke mecáhcujsómé dííbyedívú mecátsípáávehíjcyá díbyeé dsíjívéébeke íbóhíitsóne ávyéjuutétsónéllíihye. Aame méwajácú dííbyema meíjcyame íínerí mebáñúmeíityúne.

²² Ahdícyane tsúúca Píívyéébé Apííchó ámúhakyé píáábónej tééveri ímíáájú ámuha mecáhcujsómé óví ámuha méwajyújcatsí ámúhá ííbúuri.

²³ Muurá Píívyéébeke mecáhcujsómé tsíhdyuréjuco meíjcyane. Tsáhájuco meúráávyetú méécáánímúu meke tsíímávátsihdyu meíjcyajíjto íllure níjkévájíjto. Áánetu ihdyu Píívyéébé ihjyu mecáhcujsóné tsá mújyú níjkéváityúne.

²⁴⁻²⁵ Muurá dííbye waajácúháámitu nééneé:

Pámeere míamúnaa wahájchotaré ijcyá tsójcómuji íjcyadu. Téhdure ijcyámé wahájchotaré ííne imíjyaú wajco íjcyadu. Áánetu ihdyu Píívyéébé tsá mújyú níjkéváityúne.

Ááne uwááboju ímíáájú muurá tsúúca ámúhakyé úwáábómeíhi.

2

¹ Ahdícyane óvíjyacóóné ímityúné ámuha meméénuhíjcyáne. Tsá múu állíuutúne. Tsá

múu pánehjídú ímiáámé íjcyatúne. Tsá múu nómiutáávatúne. Tsá múu ímityúné íhjuvatú tsíjtyedítu.

² Ímiá uwááboríyé métsúúraméí éhne múúne tsíimene ñohñórí íjyacunúdu. Ááne téené uwáábó ímíñeúvú méuráávyé ámuha mepájtyetéki.

³ Aane óví ehdu méijcyá Jetsocríjtó ímiáábé meke wájyune tsúúca mewáájacúme.

Críjto pañétúejpi

⁴ Aame ihdyu ímíñeúvú méijcyá dííbyema nééwayúdú néébe meke bohíívú ájcúúbema. Muuráhjáa dííbyeke míamúnaa éhdi÷válléróóbeke Píívyéébe pícyóó ávyeta íhtsútuube pañétúejpi díbye íjcyaki.

⁵ Ahdu óví meke téhdure nééwayúdú menéémeke pícyoobe ihjyádú méijcyaki. Téhdure óví meke llúúvájtedívú pícyoobe díbye ímillédú méijcyame dííbyeke meíicuvémé ímí dííbyema méijcyá Jetsocríjtoj tééveri.

⁶ Muurá dííbyé waajácúháámitu nééené:
Tsióó cóomi múnáa pañévú ó pícyóó ávyeta wájyúmeíbyeke éhne ímichi tééutu jaa éjkeu nééwayúdú néébeke. Áábeke cáhcujtsómé tsá íínerí bañúmeíityúne.

Ehdu nééne Píívyéébé waajácúháámitu.

⁷ Aane dííbyeke cáhcujtsómé dííbyeke wájyúhi. Áánetu dííbyeke cáhcujtsotúmé tsá wájyutú Píívyéébé waajácuháámitu íllu tene néhdújuco:
Tsaúpe nééwayu jááháñé wákimyéi múnáa íñéhnílléne waagóórou pícyámeí ímichi tééutu jaa éjkéiu.

⁸ Téhdure tsiíñe nééneé:
 Diibye muurá éhne múúne nééwáyutu ávyé
 mecábóhcámeímyé maáákityéúú néébeé.
 Ahdújuco muurá dííbyé uwááboju ímí
 cáhcújtsotúmé mújtámeke tene pájtyene.

Píívyéébeéjte

⁹ Áronáa ihdyu tsá ámuha ehdu menéétune.
 Muuráhjáa ihdyu Píívyéébere ámuéhakye iújcúmeke
 picyóó llúúvájtedívú dííbyé wákiméí ámuha
 ímiááméré meíjcyáne meméénu dííbyeke
 dúúrúvamére. Aane imíleebe míamúnáake ámuha
 meúúballéné muhdú dibye ámuéhakye ímityúnetu
 ímiánejcúvú íjchívyetsóne.

¹⁰ Muuráhjáa ihde ámuha ihdícyaméréi meíjcyame
 tsá dííbyé piáábójú pañe meíjcyatúne. Áronáa
 ícyoooca tsúúca dííbyeéjte ámuha meíjcyame tééné
 pañe meíjcyáhi.

Píívyéébekéré meíívcúvéiyóne

¹¹ Ahdícyane tsá ííñújéjte ámuha
 meíjcyájúcootúne, ámuúha táñahbému. Muurá
 ihdyu Píívyéébé avyéjuejtéréjuco ámuúha. Áánéllí
 ámuéhakye o néé meke tútávájtsóiyónéhjiri ámuha
 meúmúúpívyétuki.

¹² Ímiááméré meíjcyá Píívyéébeke wáájácutúmé
 ímityúné ámuhadítú íhjúvárónáa ímí ámuha
 meíjcyáne hallúvú dííbyeke ditye íavyéjútso tsiíñe
 Jetsóó tsáácooca.

¹³⁻¹⁴ Téhdure múu avyéjuullé pañétúejpi méiíñújí
 avyéjúúbeke pahúllevaré dííbyé piáábo múnaa
 íjcyámemájuco. Muurá Píívyéébere diityéké picyóó

ditye ímityúmeke iúwááboki, áánetu ímiáámeke ditye ipiááboki.

¹⁵ Muurá imílleebe ímiááméré meíjcyane tenejcu wáájácutúmé ímiáájú meúraávyénetu ímityúné ííhjúvátuki.

¹⁶ Áánéllii ímiááméré meíjcyá tsúúca ímityúnetu ámuha meíjchivyéme. Aame ihdyu ímityúné mémeenújúcohdí tsúúca Píívyéébé hójtsí pañéréjuco ámuha meíjcyame.

¹⁷ Aame múu dííbyeke íllííne dibye ímillédú íjcyame pámévakéré avyéjuullé méiíñújí avyéjúúbemájucu. Téhdure múu pámeere Píívyéébeéjtema wajjúycatsíhi.

Muhdú ícúbáhráméi maáábucúne

¹⁸ Áhdure múu tsaaté hójtsí pañe íjcyame diityéké iávyejúúlléne meenú ditye táuhbáne. Tsá múu ímiáámemáyé ímí íjcyatúne. Ímityúmé íjcyárómema múu ímiáámé íjcyáhi.

¹⁹⁻²⁰ Muurá ihdyu Píívyéébe ímillédú meíjcyáné hallútú meke ditye ícúbahráné maáábúcúhájchíí ímí meke íjtsúcunúúbe. Áánetu ímityúné meméénúné hallútú meke ditye ícúbahráné maáábúcúrónáa ¿aca meke ímí íjtsúcunúúbe? Tsáhaá.

²¹ Muuráhjáa Píívyéébe meke ujcú Críjto mewájyuri ícúbáhrámeííbyé ímiáábé íjcyadu meíjcyaki.

²² Tsáháa muurá dibye mújyú ímityúné méénutúne. Áhdurée tsá muucá dibye állityúne.

23 Muuráhjáa dííbyedítúyú ímityúné íhgyúvárómeke tsá dibye píámeíhíjcyatúne. Áhdurée dííbyeke ícúbáhrárómeke tsá dibye méénúllehíjcyatúne. Íllurée íhvéjtsámeíbyé Píívyéébedívú dibye teene diityémá íímíbájcho muhdú tene íjcyadújuco.

24 Aabée muurá Críjto dsíjívé páwachékevu mépée medsíjívéiyóné tsúúcajáa méimítúyú déjuco dsíjívemédú meíjcyarómé meímíbaávyeke. Ehdúu mewájyuri dibye ícúbáhrámeíñej tééveri méímíbaavyéhi.

25 Muuráhjáa éíjyu ídátso méícyahíjcyá Píívyéébeke wáájácutúmé éhne múúne obééjámú mújtame íjcyadu. Áronáa ícyooca tsúúca métehméébé Críjtoma méíjcyáhi.

3

Muhdú métáábama meíjcyane

1 Ámuúha walléémuj, ámuhá tajímuke máavyéjuúlle. Tsaímíyé meíjcyá diityémá Críjtó uwááboju tsaate cáhcújtsóturómé ímí ámuha meíjcyane ííténe botsíi icyáhjújtsó ñná diityéké ámuha menéétúrónáaáca.

2 Muurá ímíááméré ámuha meíjcyane ííténe imílléiyómé téhdure Píívyéébeke íúraavyéne.

3 Tsá múu ávyeta íímíbájkímyeíyóneri íjyácunútúne. Téhdure tsá múu íjyácunútú íhñiwaco idyóíhdsínúmeíñe tsaímíyé ípíhdámeíyóneri, mítyane áhdómeíñé icyááveháñevu íicyáávéíyóneri, ímíá wajyáamuunévú íújcámeíyóneri.

4 Apááñeríyé múu iyyáacunú tsaííbuwáré iíjcyáíyóneri. Ehdu ihdyu íjcyámeke Píívyéébe ímí iíjtsúcunúhi.

5 Tehdúhjáa muurá éíjyuúvú íjcyáné walléémú Píívyéébedívú ííhvéjtsámeíñe díbye ímillédú ícyahíjcyáhi. Aaméhjáa ájyúmuke avyéjúúllehíjcyáhi.

6 Tsáaráuvúhjáa muurá ájyu Aavaráaúvuke icyáhcuíjtsóne avyéjúúllehíjcyáhi. Aane dillée íjcyadu ámuha ímiááméré ámúhá tajímuma meíjcyáhajchíí tsá ámuha íínerí meíllityéityúne.

7 Áhdure ámuha wajpíímú ámúha táábámuma ímíñeúvú meíjcyá. Tsá múu díityédí ícúbáhratúne. Múu íjtsámeí díityéké íávyejúúlléne muhdú ípíáábóíñeri ámúha tsíjpá tujkévevu dítye íjcyátúnéllííhye. Muuráhjáa Píívyéébe wajpii, wallee, picyóo dítyétsí ípíáábójcatsíñe ímí íjcyaki. Aane ehdu ámuha meíjcyáhajchíí Píívyéébema ámuha meíhgyúvácooca tsá íiná ámúhakye pátsárijcyóityúne.

Ímiáané hallútú meíicúbáhrámeíñe

8 Ahdícyane ihdyu pámeere tsaímíyé meíjcyá pamévamáye. Tsá múu pájúvatúne. Meídaatsólléjcatsíñe méwajyújcatsi tsané nahbémú múúne wájyújcatsídyú mítyájkímeyeítyúmére.

9 Tsá múu píámeítyú ámúhakye ímityúné méénúmeke. Téhdure ámúhakye úhbámeke tsá múu úhbatúne. Íllure díityé hallúvú píáábó métáuméí Píívyéébeke. Ehdu díbye ímillédú ámuha meíjcyáhajchíí ámúhakye píáábóííbye.

¹⁰⁻¹² Muurá dííbyé waajácúháámitu nééneé:

Ímí ijcyane ímillémé tsá ímityúné íhgyúvatúne. Áhdure tsá ditye állíuutúne. Muurá ímityúné imyéénuhíjcyánetu íhveténe ímiááneréjuco ditye méénune. Aame ijcyá tsaímíyé pamévamáye. Muurá Píívyéébe ímiáámeke píaabóhi. Aabe dííbyeke ditye táúmeíñé lleebóhi. Áánetu ímityúmedi tsá dibye íícúvetúne.

Ehdu nééne Píívyéébé waajácuháámitu.

13 Aane ehdu ímiááméré ámuha meíjcyáhajchíí ¿aca ííné hallútú múha ámúhake ímityúné méénúiyáhi?

14 Muurá ehdu ímí ámuha meíjcyané hallútú meícúbáhrámeíhajchíí maímijyu ámuha meíjcyanej. Áhdícyane tsáma íínerí maáábímeyéídné. Muurá Píívyéébe ámúhake píaabóhi.

15 Múu Máavyéjuube Críjtodívú icyátsípáávéne íjcyátsíivyé ámúhake díllómeke ámuha mewáájácútso íveekí dííbyedi ámuha meíjyácunúhijcyáne. Áronáa ihdyu múu ímíñeúvú chooco úúballé mítyájkímeyétyúmére.

16 Aame téíibúwá meíjcyá Críjtoke ámuha meúráávyénetu tsaate ímityúné íhgyúváneri íñúcójpíveki.

17 Aane ihdyu óvi meícúbáhrámeí ímiáánéré meméénúné hallútú Píívyéébe ímílléhajchííjyu. Muurá tééné hallútú meícúbáhrámeíñé maáábúcúhajchíí ímí meke ijtsúcunúúbe. Áánetu ímityúné meméénúné hallútú meícúbáhrámeíñé maáábúcúrónáa tsá dibye meke ímí ijtsúcunútúne.

18 Muuráhjáa Críjto mújyú ímityúné méénútúroobe ícúbáhrámeí méímityú hallúvu. Aabée tsájjyuré dsíjívé méhllí pámeere ímityúmé meíjcyáme wájyuri téénej tééveri meímíbaávyéne ímí Píívyéébema meíjcyaki. Aabée dsíjívérónáa ííbuu íbóhí íjcyáhi.

19 Aanéhjáa péé éjjuúvúu dsíjívémé íbuúúné íjcyátsihvu díityéké iúwááboki.

20 Muuráhjáa éjjuúvú Noée míínécoba méénuhíjcyánáa Píívyéébe téhmehíjcyará míamúnaa dííbyeke icyáhcújtsóne téémí pañévú iúcaáve ípájtyeteki. Áronáacáhjáa apáámyéré 8-meva pájtyeté pámeere ííñuji cáájáveneri májcanúnetu. Áámeúvú íbuúúnéhjáa íjcyátsihvu Jetsóo ííbuu péé díityéké iúwááboki.

21 Aanéhjáa téjyu nújpácyotu ditye pájtyeténé naavénú íñe ícyooca metsójsótsámeímyé mepájtyetéíñe. Aane tsá metsójsómeítyú méjpi ííñú íñityááveki. Muurá ihdyu téeneri méúújetsó Píívyéébedívú mecátsípáávéebeke metáúmeíñe díbye meke ímíbájchoki. Aane ihdyu meke ímíbájchoobe Jetsocríjtóo dsíjívéebe tsiíñe bóhííbej tééveri.

22 Díibye muurá ícyooca íhtsútuubéréjuco níjkyéjiri Cááni Píívyéébé úníuri íjcyáábeke pámeere níjkyéji múnáama naavémú avyéjuulléhi.

4

Muhdú Píívyéébeke meíícuvéne

1 Aanée muurá Criĵto ííñũĵiri íĵcyácooca ícúbáhrámeí mewáĵyuri. Áánéllii metsu meícúbáhrámeíyóné maáábúcu dibyée áábucúdu. Muurá meícúbáhrámeíyóné maáábucúmé tsá ímityúné meméénũĵúcootúne.

2 Aame tsáhájucó meúmúúpívyetú ímityúné meméénũĵýoneri. Píívyéébe ímillédú meĵcyáíyóneríyĵucó metsúúrámeíñe.

3 Ahdícyané óvíĵyacóóné Píívyéébeke wáájácutúmé ĵcyadu ímityúné ámuha meméénuhĵcyáne. Muuráhjáa ímityúneri ámuha meúmúúpívyehĵcyáhi, ámuháa ménahtsívátéhĵcyáhi, ámuháa mewáñehĵívaténé pañe méllíyícyávehĵcyáhi, níĵcyotáĵtekée ámuha méduurúvahĵcyá ámuha meméénũtýuróne. Ánehĵi óvíĵyacóóné.

4 Muurá ténehĵi ámuha meíhvéĵtsóneri ámúhake náhbévahĵcyámé tééneríyé ĵcyame íllure ámúhadi uuhívátéhĵcyáhi.

5 Árómemá Píívyéébe muhdú ditye ícyahĵcyané ímíbájchoóhi. Muurá pámeere dsĵíĵívétúmema ímíbájchóiiĵy tsúúca dsĵíĵívéĵúcoóróméhĵimájucó.

6 Téénélliihyéhjáa muurá éĵy múnáaúvuke téhdure úwáábómeíñé diityé íbuúúné íbóhí ímí íĵcyá Píívyéébe ĵcyadu.

7 Muurá tsúúca ííñũĵi mééma níĵkévaríĵyucó. Áánéllii ímíááméré meĵcyáne paĵyuvaré Píívyéébema méhĵyúvahĵcyá.

8 Aame múu wájýúĵcatsíhi. Muurá tsĵtyeke mewáĵyume ímityúné meke méénúrómeke mepíámeíyóneri tsá meĵyácunútúne.

9 Ahdícyané múu ímíñeúvú waatsúcújcatsí ámuha maááhívéjcatsícyooca ìná íjtsámeítyúmére.

10 Mépíáábojcatsí muhdú ámuha mepíívyetédú Píívyéébe meke ájcúné píáábori bañúháñé dibye meke ipíáábótuki.

11 Áánéllii ámuha meúwáábócooca ímíñeúvú meúwáábohíjcyá dííbyé ihjyu néhdújuco ámúhaj tééveri dibye íhjuvaki. Áhdure ámuha tsíjtyeke mepíáábojcatsí ímíñeúvú mépíáábó muhdú dibye ámúhakye tükévejsódu. Aane páneere ìná ámuha meméénune múu ímíñeúvú meenu dííbyeke ámuha Jetsocríjtoj tééveri maávyéjujtsóne. Áábedívú ihdyu metsu meíhvéjtsámeíñe dííbyeke maávyéjujtsó mújyú níjkeváityúne. Ehdu teéne.

Críjtoéjité ícúbáhrámeíñe

12 Ámuúha táñahbému, tsá múu mávaríjchojúúné ámúhama íjcyánetu íjtsámeítyú tene ámúhama íjcyáityuróne.

13 Íllure múu imíjyúú Críjtoó ícúbáhrámeídyú ámuha meícúbáhrámeíñeri tsiiñe íavyéjuma dibye tsáácooca ámuha meímíjyúúveki.

14 Áánéllii dííbyeéjité ámuha meíjcyáné hallútú ámúhakye tsaate úhbáhajchíí múu imíjyúú Píívyéébé Apííchó ámúhá pañe íjcyánéllíihye.

15 Árónáa ihdyu núcójpátsóhreiýó teene ímityúné ámuha tsíjtye éhné menániñe, tsaatéke ámuha medsíjívetsónee, tsíjtyé ihjyú pañevú ámuha meúcaavénee, éhdúné hallútú ámuha meícúbáhrámeíñe.

16 Áánetu ihdyu Críjtoéjté meíjcyáné hallútú meícúbáhrámeíñé tsá núcojpitótúne. Íllure Píívyéébeke tééné hallúvú dúúrúvaméré météhdujtsó dííbyeéjté meíjcyánéllíihye.

17-18 Muurá tsúúca muhdú meícyahíjcyáné dibye mééma ímíbájchóíñe éévé úújéteéhi. Aane méhdityu tujkénúibiye ihñéjté meíjcyámedítu. Aabéjii awáá ǂmuhdíivanéami íhya tsáma ímíbájchooi eene dííbyé uwááboju cáhcújtsótúmema, ímiáámé íjcyarómé íhtsútúnetu pájtyetéíñáaáca?

19 Ahdícyane dííbyedívú meíhvéjtsámeíñe dibye ímillédú meíjcyá ámuha meícúbáhrámeíyónáaáca. Muurá meke ípívyéjtssoobe íñéhdújuco méénune.

5

Cahcújtso múnáá túkevétsoju

1 Téhdure ó imíllé cahcújtso múnáá túkevétsojteké o úwaabóné téhdure túkevétsoobe o íjcyabe muhdúhjáa Críjto ícúbáhrámeíñé o ájtyúmiibe. Aabe téhdure ó íjcyá dííbyé avyéjuri tsiíñe dibye tsáácoóca.

2 Áánéllii ámúhake o nées ímíñeúvú ámuha metúkévétso Píívyéébeéjté ámúhá hójtsí pañe íjcyámeke. Tsá múu dibyée ámúhake níwáávéne íjyeveriyé tééné wákimyéi méénutúne. Áhdure tsá múu tééné hallúvú ámuha medsídsívakíyé méénutúne. Múu ímíñeúvú meenu Píívyéébe ímillédu.

3-4 Tsá múu tsíjpanécoba diityéké úwáábotúne. Choocóré múu úwaabó páñétúejpi Métehméébé

tsáácooca ámuha maávyéjuuté dílbyema múijyú níjkéváityúne.

5 Téhdure ováhtsámú máavyéjuulle ámúhá túkevjtsojtéke. Panéjcuwávú máavyéjúúllejcatsí mityájkímyeityúmére. Muurá Píivyéébé waajácúháámitu nééneé:

Píivyéébe píaabó idáátsóméhjiúvú néémeke. Áánetu ‘mityáhmityá’ néémedi tsá dibye íícúvetúne.

6 Áánéllii mityájkímeityúmeré méihvéjtsaméi íhtsútuube Píivyéébedívú dílbyere ámúhake ityúkévéjtsoki. Áijyu muurá ámúhake ávyéjújtsóiiibe dibye meke ávyéjújtsóíne éévé úújetéijyu.

7 Áánéllii íínerí áábímyeityúmeré dílbyedívú mecátsípááve. Muurá imíllebe meke ipíaabóne.

8 Árónáa ihdyu téiibúwá meijcyá Naavéné ámúhake imújtátsótuki. Muurá mémunáajpi íjcyabe meke imújtátsóíyóneri ijyácunú éhne múúne bájú oohíbyé iyámeke idyóóíyóneri íjyácunúdu.

9 Áróobeke ihdyu metáhjá Píivyéébeke ámuha mecáhcújtsónej téeveri. Muurá méwaaJacú pahúllevaré ííñújiri ménahbémú téhdure ténéhjiri ícúbáhrámeihijcyáne.

10 Árónáa ícyooca wahájchotaré meícúbáhrámeíne níjcautu Mépiivyéébé meke ávyéjuutétsóó múijyú níjkéváityúne Jetsocrítoj téeveri. Aabe muurá mewájyuri meke ímíbachó íhtsutúme meijcyame íínevú metáhjátsámeityuki.

11 Áánéllii ihdyu metsu íhtsútuube íjcyáábeke maávyéjútso paíjyuvaré múijyú níjkéváityúne. Ehdu teéne.

Nihñéenéré pityájcoju

12 Aane íñe íhyaami o cáátúnuháámí ámuha éllevu ó wallóo ménahbe Píívyéébeke ímí úráávyeebe Tsi-báánoma. Áhaamí pañe ámuhakye ó ítsáávetsó ímiááné ímí Píívyéébe ámuhakye piáábohíjcyáne. Áánéllii múu tsaímíyé dííbyema ijcyáhi.

13 Ámuhakye Babiróóniá cóómiyi íjcyané cahcújtso múnaa duurúvá ámuhakyeé iújcu du téhdure Píívyéébe diityéké újcume. Téhdure tájtsiménédú néébe Mááco ámuhakye duurúváhi.

14 Téhdure ámuhakye táicyánéjcutu o néé ámuha Críjtoéjté tsané nahbémú meijcyame medúúrúvájcatsíki. Ahdícyane óví íbúwajjí ámuha méijcyáhi. Ayu tehdújuco.

Píivýéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48